



PLACCAET

Vanden

Thienden ende twintich-

sten Penninck/op-gesteld byden Hertoghe van Alva,
op alle roerende ende onroerende goederen inde Ne-
derlandtsche Provintien. Ende alomme gepu-
bliceert inden Naeme des Conings

van Spaengien/inden Jaere

M. D. LXXI.

Ende vvas

Ghedrukt tot Bruyssel, by Michiel van Hamont.

Anno. M. D. LXXI.

Daer nu

Hier by ghevoeght is, (tot ververfinghe inde Memorie,
van alle vvare Lief-hebbers des gemeen Vaderlands) de groote altera-
tie ende beroerte die inde selve Nederlanden (omme de Publi-
catie van't voorsz Placcaet, ende het aendrijven des selvigen,
door den Hertoghe van Alva) ghevolght is.

Oock mede

Hoe de Stede vanden Briele, door den Grave vander Marck, inghenomen werde. Hoe den Grave van Bossu eenen schrickelicken moordt aenrechte binnen de Stede van Rotterdam. Ende hoe die van Vlißingen Duc d'Alfs Soldaten uyt ghejaeght hebben, seer vermaeckelijck om te lesen.

Ghedrukt Anno M. VI^c. IX.

32

567



[Faint, mostly illegible handwritten text in a medieval script, possibly Gothic or Carolingian minuscule. The text is arranged in several horizontal lines across the page.]

ter
ri
de
on
sch
fu
L
W
ne
de
be
de
m
ter
er
en
de
ni
mi
ba
be
qu
mi
of
da
re
co
he
wa
ten
we
me
de

Byden Coninck.



MNSEN lieben ende ghetrouwen die Cancellier / en luyden
 van onsen Raede in Brabant / saluyt ende dilerctie. Alsoo
 gheduerende den tijdt ende termijn van twee Jaren dat die
 Staten van onse Landen van herwertsovere respectivelijc
 gheaccordeert hebben op te bzinghen ende furnyeren zekere
 quoten ende sommen van penninghen in plaetse ende voer
 de redemptie vanden Chienden ende Twintichsten Pen
 ninck / op de vercoopinghe van alle roerende ende onroeren
 de goeden / die sy ons daer te voizen in generael gheconsen
 teert hadden. Wy/by experientie ghesien ende bekent hebben / die groote swa
 richeden daer op ghereken / soo wel om te vergheelijcken heere quoten ende aen
 deelen / als op de middelen byde voorszcreven Staten elck int syne gheadbyseert /
 om de selve quoten te binden ende ophzinghen. Ende boven dien dat de voorz
 schreven middelen niet sufficient en zyn gheweest / om de voorszcreven quoten te
 furnyeren / De selve bevonden worden niet alleenlijck den Onderstaten vande
 Landen daer die ghelicht worden / seer hinderlijck ende onaenghenaem / maer
 worden oock byde selve Staten / d'een naebuert teghens den anderen geimpug
 neert ende ghequercleert / als hen prejudiciabele ende hinderlijck wesende. En
 de al noch meer soude / indien men de selve wilde continueren / Mitz welcken /
 begheerende die swaricheden voorszcreven te excuseren / ende onse Landen / en
 de de goede Onderstaten van dien / te verlichten ende soulaigheren / soo veel ons
 moghelijck is / zonderlinghe om den selven Staten t'beste ende t'meeeste conten
 tement te gheven dat doenlijck werdt. Ghemercket oock dat eenighe van dien
 expresselijcken ondersproken hebben / dat die voorszcreven quoten niet verlingt
 ende ghecontinueert en souden worden boven die voorszcreven twee Jaren / en
 de dat die twee principaelste Staten van Brabant ende van Vlaendren / ende ee
 nighe andere altyds meer gheneghen zyn gheweest om de bede by generale
 middelen te binden / dan by particuliere quoten ende aen-deelen diemen elcken
 van hen besondere eysschen soude / zoo sy tot verscheyden stonden verclaert heb
 ben / ende zonderlinghen by den accorde van heere quote / heeft ons vooz t'be
 quaemste ende expedieuste ghedocht / den voorszcreven voet vande ghenerale
 middelen te aenveerden. Ende want wy onder de selve gheenen beteren voet
 oft middel / noch ghelijcker oft der Ghemeynte minst hinderlijck en vinden /
 dan den ghenen vanden Chienden penninck op de vercoopinghen vande roe
 rende goeden ende den Fien vande onroerende goeden / tot laste vanden ver
 cooper : Ende insghelijck op t'ghene dat upt onse voorszcreven Landen van
 herbertsovere ghesonden soude worden te Lande oft te Water inde selve ghe
 wassen / ghegroept oft gewocht wesende / t'welck ons by de voorszcreven Sta
 ten generalijcken gheaccordeert is geweest / somen hen in't beghin sel van onsen
 weghen verclaert heeft / hoe-wel dat wy eerst ende al voozen / om hen contente
 ment te gheven / zulcx wel hebben willen experimenteren by anderen wege vooz
 de voorszcreven twee Jaren. Hebben wy gheresolueert / soo wel om de voorz
 schreven

schreben Staten niet te trabellieren met nieuwe Handelinghe oft Negotiatie/ als om hun meeste Welvaert ende verlichtinghe/ soo voorszeyt is/ ter executie te stellen t'accoord dat sy ons ghegheven hebben / aengaende die ophebe vanden voorszreben Eren. ende Eren. Penninck op de vercoopinghen vande voorszreben roerende ende onroerende goeden/ ende het verboeren ende uytseynen vande Waren ende Coopmanschappen uyt onse voorszreben Landen van herwertsovere / niet behoorighen moderatie ende zulke / als hier na verclaert sal worden. WAEROMME, wy dese saken aenghemerckt/ Ende willende dat onse voorszreben Resolutie effect sortere. Hebben by Ryssen Gade ende Advijse / Ende ter deliberatie van onsen zeer lieben ende zeer beminden Hebe/ Ridder van onser orden/ Stadthouder/ Gouverneur ende Capiteyn generael in onse Landen van herwertsovere/ die Hertoghe van Albe/ Marquis van Coria etc. Gheordonneert ende ghestatueert/ ordineren ende statueren by desen/ Dat zedert den vijntien. dach van Augusto naesscomende/ wesende den verschynen Landen van herwertsovere gheacordeert hebben hem voorszreben quoten te betalen: Die ophebe ende lichtinghe van t'recht vanden Eren. ende Eren. Penninck / boven ghementioneert / beghinnen sal loop te hebben ende outfanghen worden by onse Officiers / Collecteurs ofte Pachters / na uyt-wijzen der Instructien daer op ghemaect / ende die moderatie die wy deshalven gheacordeert hebben opde Remonstrantien vande voorszreben Staten/ ende die beloften van onsen wegghen ghedaen ten tijde dat sy ons t'voorszreben Recht gheacordeert hadden/ hebbende be op-hebe van dien zuler ghemodereert/ dat men niet redene niet en sal kunnen segghen / Die Negotiatie / Peeringhe ende Trafficque/ noch oock die Manufacture oft Hantwerck daer by verhindert oft gheinteresseert te syne / Maer sonder aenschouwen te nemen op't interest dat wy midtsdien van onser syden sullen moeten dooghen: hebben wy wel willen voldoen/ t'ghene des de voorszreben Staten/ in aensieninghe vande voorszreben Remonstrantien ende beloften dienthalven hebben moghen verhoopen ende verheppen.

3.

Volghende welke moderatie / Ende willende orden stellen dat die op-hebe van t'voorszreben Recht niet en causere eenighe diversie vande Peeringhe/ Negotiatie ende Trafficque/ maer dat die byende Cooplynden ende andere heuren handel ende treyn van Coopmanschap moghen continueren soo sy van te vooren hebben ghedaen: Hebben wy inden eersten van onse voorszreben recht vanden Thien den Penninck/ bevynt ende gheerempteert/ bevynt ende exempteren by desen/ de Cooplynden die hun Coopmanschape herwertsovere byinghen sullen / van heure eerste vercoopinghen / midts gaders vande Coopmanschappen alhier ghebracht/ Die sy uyt dese voorszreben Landen voeren ende seynen sullen sonder de selve vercocht ofte in andere handen gedistribueert te hebben binnen de voorszreben Lande/ Ende en verstaen niet totten selven rechte te assubjecteren t'ghene dat van buyten in't Landt ghecomen sal wesen/ als t'selve daer uyt gheboert ofte ghesonden sal worden inde selfste natuere alst daer inne ghebracht is gheweest / om den inganch van dien daer duere niet te diversiteren oft eenichsins te beletten. Noch insghelijcx t'ghene dat alhier gewassen/ gegroeyt/ geworcht

ghebruycht oft gefabriceert is/ na dien t'selve den boozschreven Chienden Penninck eens betaelt sal hebben.

III.

Ende ten eynde dat de gene die hun goet hebben in gronde van erbe ende bercoopende de vrycht die daer af comen/ t'sp in Graen oft ander sijn van hun gewas/ des te beter moet en couragie mogen hebben om hun lant wel te bouwen/ Deerden/ Boozen- beesten en andere op te voeden en houdē/ en hen te versten van t'ghene desmen behoeft tot sustentatie van t'leven vanden menschen. Willen wy ende verstaen dat die eerste vercoopinghe vande pproprietarisen/ eygenaers/ huyzlingen oft pachters van t'ghewas ende incommen van gronde ende erbe midtsgaders die Beesten daer op gheboedt ende onderhouden/ vercocht wesen/ de in natuere ende in zyn selfs specie/ Oec vry ende exempt wesen sal van t'boozschreven recht.

III.

Exempterenden ende bezygende boozts alle tweede ende andere boozbere vercoopinghen die binnen t' Lands ghedaen sullen worden van alle sozten/ van Coopmanschappen/ Victuaillen/ Lijfstrocht ende andere Waren/ Asubjecterende alleenlycken totten boozschreven Rechte de leste vercoopinghen van alle sozten van Waren die binnen den Landen/ den boozschreven Rechte subject zijnde/ ghedaen sullen worden/ t'z om aldaer gheronsumeert ende ter slete ghebruycht/ ende vertheert/ oft om elders uyt de selve Landen verboert ende ghetransporeert te worden: Alles om te onderhouden ende conserveren den handel ende reyn vande Reeringhe/ Negotiatie ende Traffique. Ende op dat t'gheene desmen vercoopt by sozme van handel oft Negotiatie om boozts te vercoopen/ daermede niet belast/ belet oft becommert en worde.

IIII.

Ende aengaende die Manufactueren oft Hant-werck/ Willende t'selve boozderen ende fabrizieren/ ende omme gheen leysel oft becommeninghe daer inne te doen: Hebben wy oock bezyt/ ende bezyen by desen van onsen boozschreven rechte vanden Pen. Penninck alle rouwe en ongheworchte Waren ende Coopmanschappen van selfs gheen perfectie hebbende om by hen selven te moghen dienen oft gheemployeert te worden/ tot slete ghebruycht oft usaige/ al waert oock totte leste vercoopinghe/ ghemerckt t'selfde alleenlyck soude wesen om gemployeert te worden in ander werck ende Manufactuere/ dewelcke naderhant hun perfectie hebbende/ t'boozschreven Recht betalen sullen/ ende dat ter lester vercoopinghe alleenlyck/ soo boozsepdt is: Ten ware dat na dien de selve eens gheemployeert sullen zyn tot slete/ ghebruyck ende usaige/ die wederom van d'een handt ter andere vercocht wierden. Van welcke coopinghen ende vercoopinghen van alle dinghen die eens tot usaige ende ghebruyck ghebracht sullen zyn/ van wat sozte de selve moghen wesen/ als gheensins raekende die Negotiatie/ Reeringhe/ Manufactuere oft Hant-werck/ Wy niet en verstaen gefrustreert te worden van onsen boozschreven rechte vanden Pen. Penninck/ maer sal t'selve t'elcker vercoopinghe betaelt moeten worden.

W.

Maer op dat onder t'berel vande boozschreven exemptien soo wel vande eerste als andere naevolghende vercoopinghen totte leste toe. Wy niet ghefrustreert

is

en wor.

en worden van onsen voorszreven rechte / zonderlinghe om te verhoeden ende
excuseren een infinitet van frauden / bedroch / valsche Eeden / ende andere in-
convenienten / die daer upt souden moghen rnsen. Verclaren wy dat onse mep-
ninghe ende verstant is / dat alle de gene die Winckel / Taberne oft andere open-
bare plaetse houdende zijn / om int clepnet te vercoopen verthieren oft verhande-
len eenighe sorte van Ware oft Coopmanschap hoedanich die sy / t'voorszeyde
Recht sullen moeten betalen / sonder te moghen allegeeren dat sy heure Coop-
manschap bupten dese voorszreven Landen ghecocht hebben / ende die eerste
vercoopers te wesen / oft dat hun vercoopinghen vande leste niet en zijn / Ghe-
meret dat van allen tijden t'gene dat in't clepnet metter Ellen / Ware oft Ghe-
wichte vercocht wort / gheestineert is als ghebestineert te siet / ghebuycken-
de usage / Daer by geboeght dat luyden van sulcker Peeringhe / Ambacht ende
qualiteyt / gemeenlijck ende in't meestendeel van de Landen ghewoonlijck zijn
hun Coopmanschap te coopen in't gros van den anderen Coop-luyden / die de
selve van bupten doen brenghen. Ende indien sy andersins deden / en soude t'sel-
ve niet wesen sonder groote presumptie van ons te willen frauderen in onsen
voorszreven rechte.

VJ.

Wesende oock onse meyninghe ende verstant hter van te ghebuycken inder
boeghen ende manieren voorszreven / by forme van preube oft essaye / ghelijck
ghedaen is gheweest van die quoten ende aen-deelen inde twee Millioenen die
den voorszreven Staten gheepscht zijn geweest vooz die redemptie van t'voorz-
schreven Recht / zonder aenschouw te nemen dat wy daer van min sullen trecken
dan die voorszreven twee Millioenen. Prefererende die ruste ende verlich-
tinghe vande voorszreven Staten vooz onse eyghen schade ende interest soo
voorsz. is. Ende in ghevalle wy by experientie bevonden / dat opde executie van
dien eenighe vande voorszreven Staten voozquame eenighe swaricheydt / in-
convenient oft merckelijcke schade : op t'stuck vander Peeringhe / Negotiatie /
Manufactuere / oft Handt-werck. Soo verstaen wy daer inne sulcken orden
ende remedie te stellen / als wy tot minder griesende hinder van onse Onder-
saten alsdan bevinden sullen te behooren / inder boeghen dat sy ghewaer sullen
worden vanden goeden wille ende affectie die wy tot hun byaghen. Ende sullen
hen dat te byden ende meer verlicht ende ghesoulaigeert vinden / dan sy tot nu
toe gheweest hebben / metten last van huere quoten te binden.

VJJ.

Wel verstaende dat al t'selve sy / sonder prejuditie van onsen voorszreven
Rechte vanden Thienden ende Twintichsten Penninck die de voorszeyde Sta-
ten ons gheacordeert hebben. Welcken aengaende wy verstaen in ons geheel
te blijven / niet teghenstaende dese onse moderatie.

VJJJ.

Refererende voorts t'onswaerts die declaratie ende interpretatie van dese
onse jeghenwoordighe Ordinancie / mitsgaders van daer inne orden / regel ende
policie te stellen zo wy tot conservatie van onsen voorsz. Rechte / tot verlichtinge
van onse voorszreven Onder-saten / ende om vooz te comen ende verhoeden alle
frauden ende abysen / t'selve bevinden sullen te behooren.

VV.

Ende

Ende ten eynde dat van onse boorschzeven Ordinancie ende vande punten
ende articulen daer inne begrepen/niemant ignozantie en soude mogen pzet-
deren. Onthieden ende bevelen wy ii/ dat ghy terstont ende sonder vertreck de-
se jeghenwoozdighe doet kundighen/ uyt-roepen ende publiceren alomne bin-
nen de Steden ende plaetsen van onsen Lande ende Hertochdomme van Bra-
bant daermen ghewoonlijck is uyt-roepinghen ende publicatien te doene: En-
de tot onderhoudenisse ende obserbatie van diere / procedeert ende doet procede-
ren / by executie vande Penen verclaert inde Instructie / ghemaect op t'stuck
ende op-hebe van onsen Rechte vanden Thienden ende Twintichsten Penninc
boorschzeven: Sonder eenighe gratie / gunste ofte dissimulatie. Dies te doene
mit dieffer aencleefst gheven wy u volcomen macht/authoriteyt ende sonderling
bebel. Onthieden ende bevelen allen ende eenen pegelijcken/dat sy u t'selbe doen-
de ernstelijck verstaen ende obedieren. Want ons alsoo ghelieft: Ghegeven in
onser Stadt van Brusssele onse ronsen contre-zegel hier op ghedruckt in Plac-
cate / den lesten dach van Julio *xxv*. Een-en-tseventich.

By den Coninck/
In synen Rade.

D'Overloepc.

Ghelijcke brieven van Placcate zijn gheerpedieert ende gesonden
gheweest inde Landen ende Provincien van Vlaendren / Artoys /
Henegouwe / Namen / Hollant / Zeelant / Kijffel / Dobay ende Or-
chies / Doernijcke / Mechelen / ende Valenchijne.

Getax. vā een ft.

Hier nae volght (t'ghene nu hier by ghevoeght is) vvat
groote beroerte onder de gemeene Burgeren ende Ingesetenen
ontstaen is door de publicatie van't voorsz placcaet, ende in
vvat manieren den Briel ingenomen vverde.

Historisch verhael van t'ghene ghevolghi is na de publicatie van t'voorsz. Placcaet.

DE publicatie deses Placcaets (niet tegenstaende de soet-schijnende woorden daer in ghebruycht) maecte onder den Inghesetenen ende ghemeen volc een groote murmuratie ende alteratie/ende den afkeer des volcx tegen den Hertoghe nam alle daghen meer ende meer toe/bysonder deur die ongewoone dierte die in desen tijt/niet alleen in't Coozen/maer in allen dinghen (den menschen van noode zijnde) was/sulcx dat de arme menschen qualijcken wisten die cost te winnen/ende dese groote schattinghe die sp verston den tot hare verdruckinghe ende meerder Avernpe te stercken/daer op comende/meenden voorts gantschelijck inden gront bedorven te zijn. De Staten van Hollandt waren in de publicatie deses Placcaets oock seer beladen/ende inden Haghe verghadert/omme te beraedtslagen ende voorts te keeren bequame middelen van Remonstrantie aenden Hertoghe van Alba vanden inconuenienten die gheschapen souden zijn upt de publicatie ende executie vanden voorsz Placcate te rijzen. Die Burgemeesteren ende Wet-Houders van Amsterdam maecten voornemelijck seer grooten swaricheydt inde publicatie deses Placcaets/jae waren in twijffel of sp de publicatie aldaer wilden toelaten/dan ten lesten upt vreesen vanden Hertoghe lieten de publicatie toe/overleuerende niet te min aenden Deurweerder secker geschrijfte: Inhoudende de particuliere swaricheyden van die van Amsterdam/ende die schade die sp-lupden sedert d'acceptatie vanden consente byden Hertoghe van Alba ghedaen/gheleden hadden/namentlijck vande Piraten ter Zee/vande Straet-schenders te Lande/vandē enozme exactien in bukten Landen van vreemde Heeren/aenhoudinge ende beneminghe van Schepen metten Coopmanschappen:die zeer groote schade ende inundatie alder Heylighen Anno 1570. geschiet/Voorts die voorsz groote dierte: die groote somme van penninghen die sp noch moesten opbrengen omme te redimeren het Casteel ende die Spaensche Soldaten die den Hertoghe inde voorsz Stede hadde willen leggen/die welcke niet sonder groote belastinghe vanden Borgheren ende Ghemeente en conde werden gefurneert/daer upt ende upt meer andere redenen/seggen sp wel lichtelijck conde verstaen werden dat de Borgheren van Amsterdam geheel bedorven souden zijn/300 verre den x. ende xx. penninck aldaer ter executie ghelept zoude werden/want de reste haerder goederen noch behouden zijnde en souden sp-lupden haer selven ende den armen niet moghen sustenteren ende onderhouden/ende bysonder/te min vermits heur-lupdenkenten/sprekende op hupsen ende erven aen den Coninck by confiscatie verballen zijnde/niet betaelt en werden/daer upt sulcke armoede ende ellende binnen der voorsz Stede meer als in andere Steden apparentelijck volghen soude/datter voorden schulden/hupsen ende erven in grooten ghetale vercocht souden moeten werden/daer van sp ne Majesteit oock alsdan het beste deel ter saecke vanden twintichsten penninck lichten soude/protesterende dat sp-lupden overmits die voornoemde miserie ende gheheele desolatie vande arme Ghemeente inde publicatie vanden voorsz Placcaet niet en conde consenten dan in der formen ende manieren gelijck sp in't

sp in't consent vanden voorsz thienenden ende twintichsten penninck by den Sta-
ten van Hollandt over twee Jaren ghedraghen / verclaert hadden / ende dit al
ten eynde by Begierders als goede Onderfaten van syne Majesteit te beter ende
bequamer deselfde syne Majesteit ende syne Excellentie die voorsz miserie ende
gheheele desolatie / bysonder vande arme Gemeente der selver Steden souden
moghen doen remonstreren ende verthoonen / omme / soo vande executie van't
voorsz Blaccaet verlicht ende gebruyt te worden / ende versochten dat den Deur-
weerder dit selve in syn relatie soude ghelieven te annoteren / ende haer Begeer-
ders daer van te leveren Coppe.

Maer de Hertoghe van Alba in plaetse van me-
delijden te hebben mette miserie ende elende des volck / heeft dit seer qualijcken
ghenomen / bysonder soo sy hen teghen de executie vanden thienenden penninck
opposcerden / ja dat meer is heeft die Burgemeesteren van Amsterdam ter saec-
ke voorszcreven in Rechte doen roepen voorszden Provtualen Gade van Hol-
landt / doende aldaer seckeren eytsch dat sy zouden ter saecke voorszcreven ghe-
condemneert werden in een boete van veel Dussenden / waer teghens splupden
gedaen hebben hare defentie / door hare Advocatē / Meester Johan van Cres-
longh ende Nicolaes Dierck / die de saecke van Amsterdam openlijcken op de
rolle verdedighden doch zyn eyntlijcken ghecondemneert geworden in een boe-
te van vijff-en-twintich Dussent guldens. Die Burgemeesteren van Am-
sterdam hebben daer op gheappelleert ende deur hare Ghedeputeerden aenden
Gade tot Mechelen overghelevert hebbende haere Begeerte inhoudende haere
grieven ende beswaernissen / versochten om in appel ontfanghen te worden / dan
kregen voorsz apostille / Fiat sermo Ducis, t'welck de Burgemeesteren gherela-
teert zijnde ende wel wetende dat sy vanden Hertoghe niet goets en hadden te
verwachten / alsoo sy wisten de condemnatie deur des Hertoghen bevel geschiet
te zyn ende dat sy over sulck henlynden partijne formeel was / hebben de saecke
alsoo laten beruften / verwachende wat hen voorszder dien aengaende soude ghe-
moeten / dan en is de sententie jeghens henlynden niet ter executie ghestelt noch
en hebben die boeten niet betaelt / deur de troublen die ghevolght zyn in't naer-
volghende Jaer / die hem vele van syn straf voornemen deden veranderen / oft
ten minsten niet in't werck stellen.

Die Staten vande voorsz Patrimoniale Landen
zijn inde publicatie deses Blaccaets niet wel te vreden gheweest / ende naer dat
sylynden in hare particuliere vergaderinghen daer op gheraetslaeght hadden /
hebben goet ghelvonden hare Ghedeputeerde te sepden aenden Hertoge omme
te remonstreren ende verthoonen dat die geheele beherffenisse ende desolatie van
den Lande daer upt was te verwachten / ende over sulck ootmoedelijcken te ver-
soecken dat syn Excellentie ghelieven wilde d'executie van r'selve Blaccaet op te
houden / ende henlynden daer van te bevrighen / ende in plaetse van dien hem met
eenighe andere schattinghe / de Gemeente niet soo schadelijck te contenteren /
eenighe Staten vande Provintien hebben hen oock willen excuseren dat sy niet
en hadden gheronsenteert / dan alleen op conditie soo verre alle de Provintien
B daer

daer inne consenteerden/ende dewile die van Utrecht niet mede en hadden ghesenteert/nochte als noch en consenteerden/dat sy daerom in haer luyden consent opgehouden waren: Andere Provintien versochten dat hy voer hen luyden aenden Coninck soude schryven/ten eynde de selve ghelieven soude hen luyden noch andere moderatie toe te laten ende te vergunnen/eenige wilden daeromme selve hare Ghedeputeerde aen syne Majesteit seynen. Somma daer was een groote alteratie/ende beroerte in't gantsche Lant/dies niet te min/bleef de Hertoghe al even hertneckich/ende wilde daer mede voert/segghende sulck expresse bevel vanden Coninck te hebben ontfanghen/hy was oock seer ghestoort op die van Utrecht/niet alleen op dat sy inde lichringhe vanden thienenden ende xx. peninck niet en hadden willen consenteren/maer oock om dat sy vande sententie hy hem t'haren achterdele gewesen/aenden Coninck hadden gheappelleert/oocmede dat sy aenden Coninck ober hem ende het Spaensche Garnisoen hadden derven claghen/ende dat sy oock op dese vergaderinghe hare Ghedeputeerde niet mede te Hove en hadden gheschickt/nemende daer upt oorsaecke op die van Utrecht ghelijck of sy luyden alleen d'oorsaecke waren gheweest dat d'andere Landen in ghebyecke waren om te consenteren in de executie van den Thienenden Penninc/hoewel die Staten van Utrecht haer luyder saecke niet gheen andere Landen ofte Staten en hadden gecommuniceert/also sy luyden sustineerden haer luyder saecke met die vande oude Patrimonial Landen niet gemeengte hebben/also sy behoorden ghereckent te werden onder die nienwe aengemen Landen/die haer selven goetwillichlijcken onder de bescherminghe vande Keyserslike Majesteit hoochloflijcker memorie onder seckere conditien hadden begheven. Daeromme de Hertoghe van Alba niet jegenstaende het schryven vanden Coninck aen hem in faveur van die van Utrecht gedaen/oock niet jegenstaende dat de Schepen vande Prince van Orangien/diese de water-Geusen noemden noch op Zee waren/ende dat ontrent Utrecht gheen vanden waren/soo heeft hy nochtans de Spaengiaerden in Holland legghende so binnen Haerlem/Leyden/Delft/als inden Bziel van daer ghenomen/ende die inricht van Utrecht ghesonden/omme aldaer wederom binnen der Stadt ghelepdt te werden.

De Prince van Orangien en rustte in alle dese tijdt
niet maer practiseerden nachten ende daghen niet anders dan omme den Hertoghe van Alba te krencken/hy schreef en dede schryven aen allen canten bysonder in Holland ende Zeelant daer hy meende faveur te verwerben/maecte vele secreete verbonden ende handelinghe om ter ghelegghender tijt te wercke te stellen/gheren van Steden/dat sy souden handelen ende tracteren mette Inwoonderen vande selve Steden/ende die selve voerhouden die goede ende sonderlinge affectie die hy hadde omme metter hulpe Godts heurluyder ende het gantsche Lant te verlossen vande tyrannie ende slavernije daer inne sy waren/ende hen luyden daeromme te inducieren ende vermanen/dat sy tot dien eynde hen elc naer haere macht ende qualiteit/met eenighe sommen gelts souden willen bystaen/ende voert mette selve handelen ende tracteren/dat so wanneer hy met eenen tamelijcken hoop Crighs-volck zoude comen om het lieve Vaderlandt te verlossen/sy luyden

sp-lupden hem alsdan toe-ballen ende daer sine alle hulpe ende bystant doen sou-
 den/ ende dat sy alsulck Garnisoen als die Hertoghe van Alba oft pendants an-
 ders van synen wegen henlupden soude willen senden/ niet en souden in-nemen
 ofte ontfanghen/maer datse hem/ ofte die ghene die hy hen-lupden tot heure be-
 waringhe ende bescherminghe senden souden/haer Steden/Vlecken/en Plaet-
 sen openen souden/ ghevende wijders de voorsz personen oock last/macht ende
 authoriteyt om tot dien eynde mette selve Steden/Vlecken ende Plaetsen te han-
 delen sulcx als sy tot welvaren ende vozderinghe vande gemeene saecke en zynen
 dienst souden bevinden te behooren/ henlupden belovende dat hy hen soude hou-
 den in heure oude Rechten/ Vrijheden ende Privilegien/ ghelijck sy voortyden
 gheweest waren/oft anders nieuwe marcken/ sulcke als met gemeenen artooz-
 de goet bevonden soude werden. Dese personen deden vast haer lupden beste/
 omme haer lupder Commissien te wercke te stellen/vanden oock vele personen
 daer toe willich ende wel ghesint bysonder in Holland/ daer toe seer help groo-
 ten haet diese generalijcken hadden op den Hertoghe van Alba ende die Spaen-
 gjaerden/ ende nam desen haer daghelijcx meer ende meer toe/dewyle den Her-
 toghe/ sonder te willen letten opte Gemonstrantien vanden Staten mette ere-
 cutie vande collectatie vanden Thien den en Twintichsten pennic wilde voorsz
 procederen/want hy en dacht nerghe min op dan dat de Prince eenige macht
 soude becomen omme hem eenighe Oorloge aen te doen/ ende noch veel minder
 dacht hy datmen binnen s' Landts al handelden omme sya macht te creucken/
 derhalven hy in slape ghewieght zijnde/ ende opgeblasen wesende van hoer dpe
 het spreekwoord van de Coninck Lodewijck de elfde waerachtich most be-
 vinden/ namentlijck:

Alvvaer trotfighe hovaerdije vooren rijdt,
 Daer volghen schande ende schade altijd.

De Hertoghe van Alba en hiel in alle dese tijt niet
 op niet grooter strengicheyt te vozderē de executie vande thien den en twintich-
 ste penninck/ ende niet jeghenstaende de Gemonstrantien ende verthooninghen
 vande Staten vanden Landen/ ende de presentatie van t'ghene sy-lupden hem
 in plaetse van dien wilden gheven t'wee Millioenen Gout s'jaers/ soo wilde
 hy niet forste daer mede deur/ segghende sulcx den expressen wille te wesen van-
 den Coninck/ende op dat hy dese saecke een aenbangh soude maecten/ soo heeft
 hy dese executie eerst willen beghinnen ter plaetsen daer hy selfs was/ nament-
 lijck binnen de Stadt van Brupffel in Brabant ende daer hy meende dat het
 ontsich van synen persoon ende het ghewapende Chrijghs-volck daer binnen
 en soude terstondt zijn bevelen hier inne ghehoorsamen/maer hy bevandt heel
 anders dan hy hadde ghewaendt/want soo eender sept:

Soo is het gelt ende goet

Des Menschen Ziel ende Bloet.

t'Welck t'ghemeen volck niet alleen gaerne en verrijghen/maer soecken te
 behouden/bysonder wanneer se sien/ datment haer wil benemen sonder noodt/
 B g
 ende

ende om haer te verdzucken ende tot slavernye te brengen ende niet tot haer-
der bescherminghe / want dat is een ander saecke ende ghelegghen heyd / maer
hy verachtende t'woordt van Marcus Anthonius de welke plach te segghen.

Het is betamelijcker dat ick volgheden Raet

Van soo vele goede vrienden t'mijnder baet:

Dan dat vele soodanighe vrienden souden volghen

Den wille van my alleen ende wesen verbolghen,

Hadde liever te volghen die Raden der gheender die op haer eyghen baet en-
de ghewin hoopen / hen qualijck rieden: dan die Staten des Landts de welc-
ke kennende de ghelegghentheydt ende natuere der Inwoonderen des Landts
hem ten besten rieden ende raden / daeromme hy oock het woordt van Apollo,
d'welck de Roomsche Histori-schryvers verhaelt / waerachtich bevandt / na-
mentlijck:

Heete ende stoute raden

Al zijns in't eerste lustich,

Ghedijen meest ten quaden

Zijn in't handelen hart ende onrustich,

In gheschiedenissen ongheluckich

Ende eynden druckich.

Want die ghemeen Burgheren van Brussel siende dat de Hertoghe niet de
erecutie voort wilde / ende die aen hen-luyden beginnen / en condon de saecke niet
anders begripen noch verstaen dan dat de Hertoghe in weynich tijds alle ha-
re goederen tot sich trecken ende hen-luyden in groote armoede ende ondraech-
lijcke slavernye brengen soude / hatende daeromme den Hertoghe ter daot toe /
ja alle die hen hter inne wilden onderwijfen / waren teghen den herdtnechighen
herdtnechich / ende en wilden den Chienden penningh niet geven: Maer want
hy wel verstonden dat hy't haer af conde dwinghen / als hy het Blacraet overtra-
den ende cochten ende vercochten / over sulcx so sloten hy hare Winckelen toe en
en wilden coopen noch vercoopen / de Brouwers en wilden niet Brouwen / de
Bakers en wilden niet Backen / noch Tappers niet Tappen / insomma daer
was sulcken spel ende rasernye inder Stadt ende onder de Soldaten / dat den
Hertoghe selven vreesde voor groote oproer ende tumulte in syn eyghen Hoff te
sullen ghebeuren / hoewel men seyt dat syn meeninghe was daer mede voort te
gaen ende eenighe vande principaelste Borgheren die daer teghen waren op ee-
nen nacht in haer deuren ofte ter vensteren upt te doen hanghen / daer toe hy al
last soude ghegheven hebben soomen liet luyden. De Prince van Orangien
maect hier van oock mentie in syne Apologie / segghende dat op de selve ure
als hy de tijdinghe kreeg dat den Ziel was inghenomen / hy alreede hy hem
selve hadde besloten ende gheresolueert de voornemste ende beste Borghers van
Brussel wel uptghesocht inder nacht om den hals te doen brengen / om datse
hen teghen dese impositie ghestelt hadden / die hy niet ghewelde teghen haere
Privilegien hadde doen publiceren. Want (seyt hy) Meester Karel den Beul
hadde last om seventhien coorden ghereet te houden ende Lederen van thien of
twaelf voeten langh: die Soldaten stonden al in wapenen: Ende Don Fredrico
Donnis te besluypen ende arresteren / als dese gheluckighe tijdinghe quam voor
de goede

de goede Borghers van Brupfel. Dese roep van d'oppositie van die van Brupfel liep terstondt voort in alle de Provincien ende Steden van Nederlandt / waer deur t'ghemeen volck sulcken haet teghen den Hertoghe cregghen / dattet wonder was / ende hoewel hy seer herbtueckich was in syn voornemen / heeft hy moeten ghebooghen dat de Provincien hare Ghedeputeerde souden mogen seyn den in Spaengien aenden Coninck omme te versoeken af-doeninge vande executie vanden voorsz. Chienden Penningh: ober sulc hebben de Staten van Brabant / Vlaenderen / Artoys / Henegouwen / Gysfel / Douwwe / ende Ghiers / hare Ghedeputeerde aenden Coninck ghesonden / ten eynde voorsz. zeyden / de welke soo hy monde als hy gheschryfte aen de Majesteit te kennen ghegheven hebben die visordye die upt de voorsz. zeyden collectatie was gheschapen te verrijfen ende versochten ende baden dat syne Majesteit ghelieven wilde hem niet andere middelen te laten contenteren / de welke voorsz. de Ghemeente niet so hinderlijck ende syne Majesteit wel soo profijtelijck zouden wesen / stellende niet te min alles inde goede wille ende ordonnantie van syne Majesteit / segghende bereydt te wesen tot synen dienste t'employeren lijf ende goet totten lesten bruppel bloets / waer op sy luyden naer langhe sollicitatie / des ses-ende-twintichsten Junij by provisie cregghen surcheantie vande collectatie vanden Chienden ende Twintichsten Penningh.

De Prince van Orangien was in dese tijdt doende

aen alle canten om volck te lichten ende maecte vast ghereetschap van Orloghe teghen den Hertoghe zoo secreet hy mochte / maer de Hertoghe al wast dat hy altemet yet daer af verhoorde / en achte al t'selve niet / want hy meende dat hy soo t'onder ghebracht was / dat hy de macht noch middel niet en soude hebben omme eenighe Heycracht te Welde te moghen brengen / ende oft hy alhier ofte daer eenighe schade dede t'selve en achte hy niet / ende meende dat conde lichtelijc by hem belet werden. Maer als dese tijdinge van Brupfel ende andere plaetsen alomme liepen / begon d'authoziteit vanden Hertoghe vast te minderen / ende men begonst wat byghijcker onder de Inghesetenen te spreken. De Prince creegh van als advertentie ende t'meeeste dat hem gebracht tot syn voornemen was gelt / want het selve het principaelste is inder Orloghe. Niet te min hy en heeft niet gheslagen soo wel om gelt als om andere noodduft te vercomen ende heeft oversulc aen Jonckheer Wiederic Sonoy een instructie ghesonden van t'gunt hy ettelijcke Edeluyden ende andere vertroude personen van synen wegen soude voorsz. houden ende verclaren / ten voorsz. zeyden eynde dienende. Ende heeft oock gelijcke Instructie aen andere personen gegeven / dewelcke (volghende de selve) haer best ghedaen hebben / omme soo wel Edelen als andere daer toe te beweghen.

Alsoo hebben sy niet dese middelen eene goede somme gelts te wege gebracht ten behoeve van dese voorsz. genomen saecke / maer wat wast / ten mocht niet veel helpen totte notelicheit van dese grootwichtighe saecken / ende en was niet ghenough omme het volck te moghen ghemonstert krijghen ende onder Ede brengen / derhalven de saecke vast vertoghen werde / tot groot na-deel / met t'welck oock vele gelts t'sorcke werde gemaecht / tot dat eyntelijc de Coninc van Orangien den Prince leende twee-hondert Dupsent Croonen tot vorderinghe van dese saecke / die hy hem naemaels geschoncken heeft.

Joncker

Joncker Willem van Tresslong hebbende volgen-
 de syne Commussie vanden Prince van Orangien toegerust een Schip van Oor-
 loghe daer op hy als Capiteyn commandeerde / is daer mede op den thiensten
 Februarij upt het Wper t'sepl ghegaen in meeninge omme naer Tessel te loopen/
 dan alsoo het seer vrees / soo heeft het Is hem bedwongen te loopen te Wierin-
 ghen / daer lach hy tot inde Maert / gaende met sijn volck daghelger op't Landt
 eeten ende drincken / sonder dat hy van daer conde verrecken / want het vrees
 inden selven tijdt ghewelighen hert / t'welck verstaen zijnde vanden Grabe van
 Bossu Stadt-houder van Hollandt in plaetse vanden Prince van Orangien aen-
 de zijde vande Hertoghe van Alba / heeft aldaer gesonden de Vice-Admirael Jan
 Symonssz Wol met vier Vaendelen Soldaten / meenende het vreeschreben schip
 met alle het volck te vanghen. Dese quamen daer soo onuersien dat sy hy naer
 den Capiteyn met het meeste volck / t'welc te Lande was soudien hebben verrast
 ende ghecreghen / ende en hadden nauwlijc tijdt te Scheep te comen / maer qua-
 men noch meest al t' Scheep uptghenomen haer-luyder Constabel die van selfs
 wech liep by de vanden. Dese Capiteyn nu aldaer ghecomen zijnde schietten
 een Bode aen't Schip ende dedent op-epfschen. Tresslong gaf quade antwoor-
 de ende seide dat hy op haerluyden niet en paste / hy en wilde Schip noch Goet
 niet verlaten / ende en hadde vrees haer luyden niet dan cruyt ende loot ten besten /
 t'welck verstaende zijn sy al t'samen daer op aengecomen om het Schip aldaer
 in't Is bevreesen legghende te becheren ende nemen: Maer Tresslong schoo-
 ter soo gheweldich upt niet sijn Geschut / datse seer haestich ende met vreesse ach-
 ter den Dijk ghewecken zijn / daer naer hebben sy veel Praemiers ende Sle-
 den met aerde op't Is ghebracht ende Geschut / ende schoten wel vier hondert
 ende acht ende tachtich schooten op het Schip sonder t'selve pot te comen crenc-
 ken / want sy en doysten niet te nae onder Tresslongs Geschut comen / doch wert
 de Schipper van het Schip geschooten / dewelcke sy als een Vrouw hilden en-
 de met Camers van Bassen aen armen ende beenen gebonden deden in't water
 sincken. Tresslongen Volck arbeiden seer met bijten ende anders om t' Schip
 los te crighen ten aenghesien van hare vanden / die soo naer niet en doysten co-
 men dat sy t' conden beletten. Ten lesten quamen sy los ende schietende gewel-
 delijcken begechten sy haere vanden ende voeren t'Zeewaerts inne sonder pe-
 mandt anders dan de vreeschreben Schipper verlozen te hebben t'welc groot
 wonder was / ende zeyden vrees in Engelandt. Terwijlen Tresslong aldaer
 te Wieringen lach / soo hebben die van Wieringen op eenen nacht seventien
 Soldaten van Tresslongs volck die wat moet-willich waren gheweest doot ge-
 slaghen ende vermoordt / ende quamen vrees by Tresslong daer hy sonder veel
 vrees was ende dwongen hem te sweeren / dat hy t'selve nimmermeer soude ge-
 dencken ofte wrecken.

Middeler tijt iser seer grooten twist gheweest tus-
 schen den Hertoghe van Alba ende de Coninginne van Enghelandt. De Her-
 toghe beclaechde sich seer van wegghen den Coninck dat sy de Zee-roovers ende
 Rebellen des Coninck van Spaengien aldaer opentlijck toe liet / ende dat sy de
 goederen

goederen die sy den Nederlandtschen Coopluyden ende andere benamen aldaer vercochten / ende hielt seer instantelijck aen dat hare Majesteit daer in versien soude. De Coninginne soeckende d'Orloge tusschen den Coninck van Spangien ende haer te schouwen / ende van haer Landt te wenden / dede by openbare publicatie ghebieiden datse souden vertrecken / verbiedende oock wel seer strictelijcken dat niemandt van haer Ingesetenen henlicden en souden Wapen / nochte Herbergen noch oock Bier / Broot / noch oock enighe andere Victualie vercoopen / waer dooz sy luyden ghedronghen zijn geweest omme van daer te vertrecken. De boorszcheven Capiteyn Tresslong was aldaer eerst aenghecomen als dese publicatie was gheschiet.

Willem Grave vander March Heere van Lunne / was nu Admirael vandervloote die de Prince van Orangien aldaer in Enghelandt hadde / dese by hem vergadert hebbende alle de Schepen aldaer zijnde / daer van Capiteynen waren Bertholt entes van Nentheda zynen Vice-Admirael / de boorszcheven Jonckheer Willem van Tresslong / Joncker Jacob Cappelhou / Guillaeme de Grave van Gent / Capiteyn Loy / Jan Claiss Spiegel / Nicolaes Ruychaver / Jan Spmonssz / Wouter Franssz / Focke Abels / ende Jan Abels / Capiteyn Daem / Hoozel / Maerten Merous / Gillis Meelman / Henrick Thomassz / Capiteyn Geleyn / Ellert Vlyehop / Marinus Brant / Capiteyn Jelmmer / Bruyn van Vrecht / Cornelis Loufz van Everdingen / Comhedding / en D'obelens / dese syn t'samen uyt Enghelandt ghezept met een goede wint in meeninghe zijnde omme naer Noort Hollandt te varen / het ware op Enchupsen oft elders daer sy souden moghen aencomen / sommighe meenden sy souden in Tessel varen omme daer eenighe Placcaet Schepen te nemen ende te verstooren veerthien ofte vyfthien Bozlogh-Schepen vanden Hertoghe van Alba. Tusschen wegghen namen sy twee Schepen comende uyt Spaengien / maer alsoo hen de wint contrarie liep / soo werden sy te rade de Maes te kiesien ende quamen eerst den eersten Aprilis des achtermiddaeghs ontrent te twee uren twee Schepen de Maes in / ende streken dooz t'Vrielsche Hoofst. Dese twee waren Marinus Brant ende Daem / daer naer quamen de reste in als sterck wesende ses ende twintich Schepen / daer by ghereeckent de twee genomen Schepen. Die vanden Vriel ende die van Maeslantische-Slupse waren seer verwondert van soo veel Schepen te sien incomen / geen ding minder denckende dan dattet de water-Geusen (soo menschen inde) waren / meenden eerst of het Coopvaerders waren die den contrarie wint aldaer aenquamen dan werdent haest gheware. Op Maeslantische-Slupse was eenen ghenaeint Jan Pieterisz Coppestock / dewelcke met eenighe Coopluyden soude inden Vriel varen / dese siende so vele Schepen aldaer aencomen / seide teghen de Coopluyden dattet mosten de Geusen wesen ende gheen Coopvaerders naer hy sien conde / waeromme de selve niet vorder en wilden: hy dan die verlaten hebbende roeyde daer naer toe / ende vracghde terstont naer Capiteyn Tresslong / ende by hem ghebracht zijnde heeft hem welcomen gheheeten. Tresslong brachte hem byden Grave vander Merck ende seyde dat dese Man bequaem was om hem t'employeren tot haer booznemen. Sy souden desen Jan Pieterisz Coppestock / binnen den Vriel aende Magistraten ende gaben hem het Signet vanden boorszcheven Tresslong mede / t'welck aldaer wel was bekent byden Magistraet deur dien Joncker Jasper van Tresslong desen Tresslongs Vader / in syn leven

leben aldaer Waliu ober de selve Stadt ende Eplant ghelweest was / de Doozte
 was ghesloten doch hy werdt inghelaten / elck liep hem naer om te hoozen wat
 hy soude willen segghen / d'eene sprack hem wel toe / d'ander qualijck / comende
 nu op het Stadthuyjs daer de Magistraet verghadert was / seide hy hoe dat de
 Grave vander Merck / Tressong ende d'ander Capiteynen vanden Prince van
 Orangien hem aldaer hadden belast aen henlupden te gaen ende te segghen dat
 ter twee van henlupden souden buypen aen t' Hooft comen / met henlupder sprecc-
 ken / sp belcofden de selve weder om by ende byanc te laten passeren sonder haer
 pet te misdoen / want sp quamen daer sepdense om haer te verlossen vande Tien-
 den penninck ende te beschermen voorden Hertoghe van Alba ende de Spaen-
 glaerden / tot een seckerheyt toonden henlupden het Signet van Treslog / welc
 wel bekent was : hem wert afgebraght hoe sterck sp waren / hy meer upt licht-
 veerdicheyt dan met boozberaden ghemoeude seide / datse wel vijf duysent sterck
 waren / die maecte terstont eenen vzeesselijcken schrick ende verbaertheyt / me-
 mandt en wilde heen / eyntlijck daer gincker twee mede buypen in een Hursinge
 tusschen het Hooft ende de Stadt. De Grave vander Merck eyschte de Stadt
 op upt den naem vanden Prince van Orangien als Stadthouder des Coninc
 over Hollandt / ende men gafse twee uren haer beraet ende lietense wederomme
 binnen gaen / maer wat wast de schrick ende vzeese was soo groot inder Stadt
 dat niet alleen de Geestlijckheyt / maer oock de Borgheren pacten ende sachten
 alle dat sp in haest conden ende liepe de Suptpoozte upt met Wagen ende Peer-
 den / soeckende een goet hennecomen. Die Geusen quamen vast op't Lant en-
 de aende Doozten ende vzaegden vast aende Borgeren / diese opte Mupzen sa-
 ghen of mense soude inlaten dan of sp haer selven inhelsen souden moeten. De
 antwoorde wert vast vertogen want de Magistraten bemerkende dat de rijck-
 ste Borgerpe vast verliep ende dat de andere geneghen waren om henlupden in
 te nemen / verliet mede ende sagen om een goet heencomen / sulcx datter nau-
 welijck vijftich Borgeren inder Stadt en bleven / die van buypen geen antwoort
 crighende naer het ghegheven respijt / vzeesden oft sp haer mochten verstercken
 ende willen resistieren / namen royt beraet om haer selven Meesters te maerken /
 aldus werden sp in twee deelen gedeelt. Tressong tooch met een deel volcx om
 naer de Suptd- Doozte daer het volck met haer goet uptigheblucht waren / daer
 vant hy Johan van Duvenboorde Gentmeester vanden Vzele in meeninge om
 mede te vluchten / die Soldaten wilden hem deur- schieten / maer hy werdt van
 Tressong ghesalveert / ende wederom inde Stadt in spn Hups ghebracht : aende
 Doozt- Doozte was Gobol die alreede met Tacken / Rijs / Pec / ende Strop de
 Doozte aen byandt hadde ghesteecke / liepen voozts met een stuck van een Mast
 de Doozte open. De Grave vander Merck quam aldaer met een deel volcx
 ende spn Lupckische Walen inne / ende Tressong aen die ander sijde des avondts
 tusschen acht ende neghen uren / sp waren sterck in als die daer binnen quamen
 ontrent twee hondert ende vijftich Mannen / de Lupckische Walen waren fra-
 pe ende cloecke Soldaten / doch seer moetwillige boeven / d'ander waren vast so-
 ber in't habijt ende meest al Nederlanders die upt het Landt ghevlucht waren /
 ende hen- lypden op dese Schepen hadden begheven / in't in- nemen en deden sp
 geene Borgeren schade / maer sochten naer Papen ende Monicken / des anderen
 daeghs liepen sp inde Kercken ende sloegen de Beelden aen stucken / namen ende
 roofden

rooſden die Kerckelijcke ende Geestelijcke goeden / Capten / Schoor-leederen /
Kasuyffelen / ende Mis-ghewaet / ende vzarhtent te Schepe / ja selcken haer niet
anders aen dan oft sy weder wilden vertrecken / t'scheen oock wel dat de Grave
anders geen meeninghe en hadde dan om de Stadt ende t'Landt daer ontrent
te plonderen ende berooven / ende daer mede verberom te vertrecken / want hy
achte die plaetse niet houbaer te zyn teghen de Spaengiaerden: maer Trefslong
ende eenighe andere Capiteynen die de ghelegghenheyt der Stede ende t'Landt
aldaer beter bekent was / rieden den Grave aldaer te blijven / ende darmen den
Prince om hulp ende assistentie schryven soude / want de plaetse te wel ende be-
quaem gelegghen was. In sulcker voegen dat sy den derden dach een verbout
metten anderen maecten om te houden totten laesten toe.

Alsoo haelden sy een deel Gheschuts upt de Schepen / versaeghen de Stadt
wat inder haesten / wel wetende datse soodanighen Wyant hadden diese niet lan-
ge soude laten berusten. In dese Stede vanden Vziel hadde de Somer te voozen
twee Wendelen Spaengiaerden gelegē / de welcke de Hertoge van Alba ontrec
in November daer upt ghenomen ende tot Utrecht ghesonden hadde / met noch
ses andere Wendelen Spaengiaerden / niet datse tot Utrecht van doen waren /
maer alleen om die van Utrecht te quellen / maer het hadde hem beter gheweest
dat hyse alhier gelaten hadde / soo en soude hy dese Stede niet verloozen hebben.
Als dese tijdinghe nu te Bypffel quam ter ooren vanden Hertoghe van Alba /
waren die van Bypffel eensdeels verblijt / want hy eben inden selven tijt doende
was omme den thienden penninck aldaer in te voeren / alsoo sy verhoopten dat
hy nu ander werck soude krijgen ende haer wat laten berusten. In men hoorde
de vast onder de Borgheren hier ende daer tot syn spot aldus rijmen.

Den eersten dach van April

Verloos Duc d'Alba synen Bril.

Maer hy maecte daer wepnich werck af / hoe wel het hem niet wel naer synē
sin en was / doch hy liet sich beduncken dat hyse wel haest wederomme verjagen
ende te Lande upt drijben soude / ghelijck hy tot meermals ghedaen hadde / dan
hy wilde haer niet langhe laten nestelen / doch het gingh hem heel anders dan hy
meende / hy schreef terstont aenden Grave van Bossu tot Utrecht dat hy mette
Spaengiaerden aldaer leggende terstont optrecken soude naer den Vziel toe en-
de die Rebellen ende Geusen verjaghen / sulcx dat die van Utrecht oock deur dit
innemen vanden Vziel onder sien verblijt werden / ende vercregen van selfs t'ge-
ne sy deur langhe ende menichfuldighe sollicitatien niet en hadden connen ver-
werben / ende dat oock recht te tijde / want soo dit schryven vanden Hertoge van
Alba van het optrecken der Soldat des Woensdaeghs sabonts binnen Utrecht
quam / soo is daer oock een aenslach der Spaengiaerden aenden dach gecomen /
te weten : die Spaengiaerden ten achteren wesende wel seventhien ofte achtiē
Maenden Soldijs / hadden secreteijck eenen Elect ghecozen ende souden hare
Cornel ende Capiteynen ghevanghen ghenomen ende die Stadt gheplondert
hebben / soomen seide : dan alsoo de Cornel ende Capiteynen hier van ghewaer-
schout waren / hebbē t'selbe boozcomē / want sy hebbē des Woensdaeghs nachts
een vande principale Hoofden / diemen seide dat hare Electo soude zyn geweest /
van den bedde doen halen / ende gebracht in't Logement vanden Cornel / alwaer
hy in jeghenwoordicheyt van alle Capiteynen onderbzaeght / ende schuldich be-
vonden

bonden zijnde/gheworcht wert/ende des mozhens vroech metten daech alsoo
doot voor het Stadt-hups opte plaetse ghelept in't openbaer/het bende op zijn
boyst op een pampier in Spaensche tale geschreven d'oorzaecke waeromme hy
geboodt was/aldaer hy also bleef leggen tot over middach toe. De Spaengiaer-
den hadden voor een maniere dat eenige van hen lupden tot twintich of dertich
oft meer toe opten Witten Donderdach snachts haer selven met een schijn van
grootte devotie langs der straten gingen geesselen met eene geessle van koozden/
ghecleet wesende met een cleet daer toe gemacckt/hebbende den rugge bloot/en-
de geesselende sich selve datse wonderlijcken seer bloepden/werde belept met vele
Toozsen voor haer ende ter zijden haer/gaende van de eene kercke in d'ander/
gelijck ick upt nieuwgiericheit met vele hondert andere gesien hebbe. De sprac-
ke was doe binnen Utrecht dat sy haren aenslach souden te werck ghelept heb-
ben ter selver uren als dese geesselinghe den navolgenden nacht loude hebben ge-
schiet. Des selven daechs naer middachs verrocken de Spaengiaerden noch
upter Stadt van Utrecht/tot hare grootte mis-contentement/maer tot grootte
blyschappe der Borgeren van Utrecht/de welke wel wenschte ende Gode hep-
melijck inder herten baden/datse mochten so vele mette Geusen te doen vinden/
datse niet en mochten weder keren. Als nu de Grave van Bossu mette Span-
giaerden upt Utrecht was verrocken/so is hy sterck wesende thien Vaendelen/
kloecke ende ervaren Soldaten/ghetomen soo op de Maellandsche slupse als
Schiedam/van waer sy boozts ober voeren eensdeels te Veenblijet en eensdeels
te swerte Wael/ende leyden haer Schepen opten hoeck van Bernisse/een water
alsoo ghenaeemt/ende zijn alsoo sonder eenighen wederstandt op't Eylandt van
Boorne (in't welke de Stede vanden Biele geleghen is) ghetomen/want die
Geusen en doysten hen het opcomen des Landts niet beletten/alsoo sy haer daer
toe niet sterck ghenoech en kenden. Maer te vozen wel verseeckert zijnde/dat-
se niet langhe onbesocht en souden blijben/hadden de booz-stadt aende Supdt-
Poozte afghebyandt/ende de Boomgaerden in Pieulant ommegehoudt. De
Spaengiaerden nu te Lande zijnde togen nae de Stadt toe ende staerken de wo-
ninghe van eenen Lenaert Thonisz aen byandt. De Grave vander Merck
volck hielden de Boomgaerden voor de Stadt inne daer sy upt schooten onder
de Spaengiaerden. Eenen ghenaeemt Hochus Meussen wesende stede Tim-
merman van den Biele liep ende spranck int water ende sette het Pieuwelant-
sche slupken open/eenighe segghen dat hy't met een bijle in't water aen stucken
hackte/daer deur quam terstont soo vele waters in't Lant loopen dat de Span-
giaerden die binnen-weghen niet en mochten ghebruycken/maer mosten haer
opten Pieuwelantschen dijck begheben naer de Supdt-Poozte/treckende even-
wel nae de Stadt/maer werden soo gegroet van die van binnen met grof Ghe-
schut/dat haer den haestigen moet wat vercoeldt: middelertijt wesende Daesch-
abondt soo was Tressong ende Bobel met een deel volcx gebaren ende staerken
eenighe Schepen in Bernisse daer de Spaengiaerden mede overgetomen wa-
ren in byande/boozden eenige inden gront/dereste (overmits den haeste) bonden
sy los ende staekense van Lande/t welck de Spaengiaerden verstaende en sien-
de dat het water in't Lant hoogher werdt/cregen sulcken breefe dat sy meenden
dat sy alle souden hebben moeten verdrucken/indien sy aldaer langher bleven.
Der halven sy al t'samen sonder oorde de vlucht namen/liepen ende swommen
deur

deur Bernisse / hinghen aen eenighe schuyten die daer noch waren / ende liepen over Nieu-Weperlandt door slich / door slob / door dick en dun / sulcx dat eenighe (doch weynich) vredezoncken / ende in't slic versmoort bleven. Die van binnen souden de Spaengiaerden in dese onordeninge ende blucht wel groote schade en afbreuck hebben connen doen / dan de Grave vander Merr en doyste al het volck niet upt laten trecken / vreesende dat de Borgeren ende Hupslyden die inde Stadt gheblucht waren / haer souden hebben mogen buyten sluyten. Dese Victorie teghen de Spaengiaerden / was oorsake dat die Geusen groote moete ende couragie ende eenen grooten toeloop cregen van volcke ende oock van vele geboefte: als sy nu dese Victorie vercreghen hadden bedreuen sy veel vrechde. Daer naer deden sy alle de Hupslyden van t' Eplandt monsteren den tweeden Maeschdaghe / ende swoeren malsanderen te assisteren ende de Stadt te bewaren tot behoef vanden Prince van Oraengien als Stadt-houder van Hollant van wegen den Coninck van Spaengien: de Grave swoer eerst / ende daer na de Hupslyden / Doozts maecte sy schuyten ende scheepkens toe / roofden ende plonderden daghelijc op de stroomen / sy haelden oock de Clocken van alle de Dorpen vant geheele Eplandt. Onlance daer naer brochten sy derthten Monicken inden Bziel ghevanghen die sy by Woerum ofte daer ontrent ghecreghen hadden / te wetē: Pater Nicolaes Wyck Guardiaē van Woerum / Hieronimus van Weert / Nicasijs Hefius / Wilhelmus Danus / Theodoricus Eyndanus / Godefridus Hoermaer / Anthonius Hoermaer / Godefridus Mervel / Franciscus van Brussel / Broer Pieter van Asca en Cornelis van Wyck twee Leeken / met noch twee andere Minnebroeders / welke alle met noch een Regulier ende Cathuyser van Delft / misgaders Meester Cornelis vanden Bossche Pastoor van Woerum / en noch eenighe andere de welke al t'samen naer vele aenghedane smaet ende verdriet door bevel vanden Grave vander Marck ghehanghen werden binnen den Bziele in't Regulier Clooster int Molen-huyse / gaende nae der doot mostert de Leterania singhen ende werden gefloten ende gheslaghen ende met veel vilepninghe woorden aenghesproocken / tot groot miscontentement ende onghenoegenhande goede Borgeren, die eenen grooten schrick hadde van soodanighe wreethed.

De Prince van Oraengien de tijdinge van het innemen vanden Bziele verstaende / en was niet wel te vreden / dat de Grave vander Marck sulcx sonder syn bevel ende last ghedaen hadde / upt oorsaecke dat hy vreesde dat daer deur syne voozghenomen aenlaghen die hy int werck stellen wilde / daer toe hy noch niet gereet en was / soude te niette gaen / oft dat de vyant daer deur wacker soude werden ende op syn hoede zyn zoude / daer hy nu slapende was ende hem niet vele en achte / maer wetende hoe veel aende selve Stede was geleghen ende kennende de bequaemheyt van dien / daer toe hy oock selfs aenlagen op voorzanden hadde / ende wel wetende dat de Ingesetene des Lants inden Quartieren seer gheuecht waren tot veranderinghe deur den haet die sy broegen tot den Hertoge van Alba: Soo heeft hy aenden Grave doen schryffen ende hem beloofte hulpe ende assistentie te seyn den / schreef mede aen allen syden datmen hem doch in haeste bystant doen souden met volck / al eer hy vanden vyant overvallen werde. De Grave vander Marck schreef oock om hulpe ende

C g assistentie

assistentie aen verscheyden ghebluchte Edelluyden / ende creech alle daghe meer ende meer volcx.

De Spangiaerden alsoo met schanden ghevlucht

zijnde vanden Briel ende ypt het gheheele Eplandt van Dooyne/quamen nat beslijckte ende moede ontrent Doordrecht/ daer men haer den inganc mette belcfsste middelen affloech ende weygerde. De Grave van Bossu was seer perplex ende verslagen om dattet hem alsoo mis-luct ende blyten syn meynunge gegaen was/ende vreesende soo hy dat Quartier verliet/dat sy wel meer Sieden in hant ghewelt crighen souden moghen / soo is hy ghecomen mette voorsz Spaengiaerden voorsz Rotterdam/ meenende daer binnen te comen/ dan den inganc wert oock hen gheweygert door den Borgheren/ de welcke vreesende dat sy teghen haeren dauch souden moghen overweldicht werden/ hebben hen in Wapenen ghestelt omme de selve blyten te houden / t'welc de Grave verstaende liet sich dincen dat het beter was met list te versoerken hoe hy best de selve Spaengiaerden daer binnen soude brenghen/dan met ghewelt yet aen te vanghen/der halven hy met sommighe van syn Edelluyden inde Stadt ghelaten zijnde hyde Overhepdt aenghehouden heeft datmen syn Soldaten door de Stadt soude laten passeren/ want hy hadde gheschicht elders te trecken: Maer de Borgheren t'selve verdacht zijnde meenden sy conden wel aen d'een syde blyten om trecken. Niettemin nae veel beradinghe ende overweghinghe / zijn sy veraccordeert als dat de Spaengiaerden met een oft ten hoochsten twee Corpz aelschappen tressens souden door de Stadt trecken/de welcke wederom ypt der Stadt zijnde/souden weder andere deur trecken totten laersten toe. Onder welck d'erele de Spaengiaerden al ghereet blyten de Poozte in Wapenen staende / ende d'eerste Corpz aelschap inghelaten wordende/ soo zijn al de selve met soodanighen Furie inde Poozte ghedronghen/ dat die wachte der Borgheren inde Poozte ghestelt/ de selve niet en conden sluyten: Maer overweldicht werden / alsoen (seymen) dat de Grave van Bossu selfs mette Spaengiaert die hy hadde eenen vander wacht ghenaemt Swert Jan een Smit van syn hantwerck wesende/ die daer de vierichste scheen/om de Spaengiaerden te keeren/ doot gheslaghen heeft / ende zijn voorsz eenige vande Edelluyden ende andere die hem volchden/ met haer bloote gheweeren inde Wacht gevallen / vande welcke sy sommighe doot smeten ende sommighe ter Stadt ypt ghestooten hebben: In sulcker voegen de Poozte ingenomen wesende/zijn de Spaengiaerden voorsz al t'samen met gewelt inde Stadt ghedronghen/ende hebben vele Borgheren die sy in Wapenen vonden in het eerst innecomen doot gheslaghen ende vermoort / men acht de dooden tusschen drie ende vier hondert geweest te zijn. Dit is geschiet opten neghenden April. Ick en behoef alhier niet te verhalen wat moetwille sy aldaer bedreven hebben mette Borgheren / Vrouwen ende Maechden / ende inden Borgheren Wypsen / den tijdt die sy aldaer gheleghen hebben / Want sy aldaer ghebruyckt hebben alle de licentie ende ongheregheltheden diemen soude connen bedencken / vande Borgheren te dreyghen/slaen/ smijten/ ende af te dzyugen alle datse wilden hebben sulcx dat vele Borgheren voorsz gheluckich estimeerden/die ghene die int innecomen doot ghebleven waren/ deur dien sy dese moetwillichepdt niet en dorsten aenschou-

aenschouwen/nochte onderwozpen wesen dese ondraechlijke slavernye daer sy toe ghecomen waren. Enighe dagen naer dat sy tot Rotterdam alsoo inghetomen waren/namen sy seckerre plaets in ghenaeint Delfs-haven/ t'welc byde Geusen te voozen inghenomen was geweest / daer sy oock vele onmenschelycke wyetheyt over d' Ingesetenen bedreven. De Grave van Bossu / wesende een Nederlants Heere/was vande Inghesetenen des Lants redelijck bemint/maer deur dese daer heeft hy sich selven eenen grooten haet opte hals ghehaelt/bysonder onder de Hollanders daer over hy byden Hertoghe tot Gouverneur gestelt was.

Naer dat de Stadt vanden Bziele en het Eylant

van Booyne byden Grave vander Marc veroverd was gelijc geseyt is/ inde dat de Hertoghe van Alba gedelibereert was die Stadt van Vlissingen in Zeelant met een gheweldich Fort ofte Casteel te versekeren/ waer van die fondamenten alrede ghelept ende boven der aerde ghebracht waren/ so is den haet van die van Vlissingen jghens den Hertoghe van Alba/ daghelijck vermeerderd/ maer hy nergens min op passende dan opte clachten vande Ingesetenen des Lants/ dacht daer merder volcx te seynen dan daer was/ want daer laghen eenighe Walen inder selver Stadt/ over sulcx heeft hy aldaer gesonden eenighe Spaensche Fouriers/ omme de Logpsen te beschrijven ende te doen bereyden daer de Spaengiaerden die volghen souden logeren mochten. Hier dooz quam eenich rumoer onder t'volck/ sommige seynen datse in erger slavernye souden werden ghebracht/dan eenige Patien ter Werelt/ ende dat men se soo met Soldaten als mettet Casteel beswaren soude/datter gheen Steede in Nederlandt alsoo beswaert en soude wesen als sy-lupden/ eenighe daghen te voozen was aldaer inder selver Stadt gecomen Iohan van Buyck Heere vander Verpt de welcke hem dagelijck voechde onder de Bozgerpe/bysonder byde gheene die hem dochten dat tot veranderinghe ghenegen waren/ hy riet henlupden datse upt mont swreucken souden datse geen Spaengiaerden en wilden innemen/ hy seynde dat de Prince van Orangien met eenen seer grooten hoop volcx alrede opde been was/ ende henlupden verlossen soude vande tyranney des Hertogen van Alba/ die niet anders en sochte dan alle henlupder goederen in te slocken ende haerlupder tot armoede te brengen/ ten eynde sy gheene macht en souden hebben teghen hem te rebellieren. Dese vermaninghen werden geerne gehoozt byde sommige/ die terstont daer noch vele meer by hingen/in somma de saecke wert soo gedreven dat eyntlijc de Walen die daer binnen lagen opten Paeschdach den seften April ter Stadt uptghedreven worden deur het ghemeen volck/ ende alsoo den selven daghe het Spaensche Garnisoen arriveerde doozden mont vande Havene/is het rumt er meer en meer vergroot. De boozsz Iohan van Cuyck seynde tegen eenen peghelijcken rhoont u nu mannelycken/ want by aldien ghylupden de Spaengiaert nu in laet comen/soo zijt ghy al t'samen om lijf ende levē/ende sult al t'samen als Rebellen quader doot moeten sterben/want ghy hebt het nu soo verre gebracht dat ghy des Coninck Garnisoenen hebt upt-ghejaecht/ u lupden en mach gheen ontschuldighen helpen: heeft hy de Grave van Egmont ende Booyne/ die den Coninck soo veel diensten hadde gedaen/niet ghespaert/meynt ghy dat hy u lupden sal sparen/daer was eenen die wat beschoncken was/de welcke seynde indien

men hem een paer banen biers wylde gheben hy soude secker stuck Gheschuts opte Westen leggende/onder de Schepen bande Spaengiaerts schieten/die Heere van Herpt gaf hem twee Daelders/ hy gingh heen ende schoot naer de Schepen. Hier dooz quam de vzeese inde Spaengiaers/dat sy de zeplen optreckende ende de toulwen daer sy mede vast ghemaect waren affsigdende/ niet liever en saghen dan hen op Middelburgh te salveren.

Anthonis van Bourgoengen Ridder Heere van Capelle/ Catthem en Wacken/dese tijt Gouverneur van Zeelant/ verstaen hebbende t'gunt die van Vlissingen bedreven hadden/ is van Middelburgh naer Vlissingen getoghen ende meende niet syn authoziteyt hen-lupden tot syn meeninghe te brengen/ hy dede metten cleppen bande Clock de Burgeren vooz het Stadt-hups vergaderen/de wijle hy een seer wel-sprekende Man was/ heeft hy aldaer een Oratie tot het volck beginnen te doen/ende haer te berispen/ van dat sy haer so hadden vergrepen aen des Conincx Garnisoen/ maer soo sy alsnoch terstondt wederom haer opten rechten wech keerden ende ten besten lieten raden/ soude alles vergeten en vergheben zijn/ want de Conincx was de goedertierentste Prince inde gheheele Christenheyt/ende hy soude haerlupder onschult soo doen aenden Hertoghe van Alva/datter henlupden gheen swaricheyt af comen en soude/ presenterende sich selve daer voozen Borghen te stellen/ ende doende vele andere presentatien omme de Borghen te beweghen. Maer de voorsz Cupck ende eenighe anderen mede onder t'volck staende seiden hoozt doch wat middelen men al gebzupcht omme u lupden te bedziagen en int Per te brengen: Het ghemeen volck dese Oratie gehoozt hebbende riepen ghelijcker hant ende met lupder stemmen/jou/ jou/ spottende al t'samen metten voorsz Gouverneur/ t'welck de voorszreven Gouverneur hoozende wencte metten hant ende zepde in effecte ofte deser gelijcke woorden. O Borghen/Borghen/hoe luttel weet ghy wat ghy doet/ het en is gheen clepne saecke des Conincx Garnisoen bupten te sluyten en te verjagen/ ghy weet noch luttel des Conincx macht/ ist dat ghy obstinaet blijft wat hebt ghy goets te verwachten/ want de Conincx en sal dat alsoo niet laten berusten: Maer soo ghylupden daer inne nochtans volhert ende obstinaet blijft in u lupder voornemen/wat middel hebt ghylupden doch om Dozloge te voeren tegen soo machtigen Potentaet/ en soo ghy al eenighe middelen mocht hebben/ en weet ghy niet dat oock de wtgangen der Dozlogen periculeus zijn ende datse dicwils doozake bande destructie ende onderganck der Steden ende verwoestinghe der Landen booztbringen. Maer het was verbe van daer dat hyse soude hebben comen met eenighe redenen tot syn voornemen brengen ende haer doen veranderen/want sy niet alleen synen raet en hebben geheelijck versmaet/ maer hebben hem oock sulck gelaet gethoont dat hy blinde was dat hy upt haren handen ontquam/ende wederom ongeschent binnen Middelburgh geraecte.

Als nu de saecke so verre gecomen was soo hebben de Vlissingers de Werckmeesters handen aengevangen Castele met hare knechten ende andere mede upt de voorsz Stede doen vertrecken/die Materialen die tot bouwinge van't Castele ghebestineert waren haelden sy binnen de Stadt aende Poozten ende smeten daer aerde boven op die sy van het Casteel haelden/ oock het beghonnen Casteel twelck al drie ofte vier voeten boven der aerden was/ worpen sy ter neder ende raseerdent met sulcken haest ende Furie dattet wonder was.

Inde

Inde Heplighe dagen van Paesschen soo quam Pacieco de Opperste Angent-
eur ende Boumeester vanden Hertoge van Alba tot Vlissingen niet anders we-
tende dan de Spaengiaerden en warender binnē der Stadt/hy quam opt Lant
syn Schip wert terstont ingenomen/ende den schat daer in wesende geplondert/
ende hy mette Spaengiaerden die hy by hem hadde gebangen ghenomen/waer
van hy seer was verwondert/want hy en hadde niet met allen van dese verande-
ringe gehoozt. Hy vzaechden vast waer de Spaengiaerts waren/maer hy en
creech geen antwoorde naer synen sin/hy hadde commissie soomen septe omme
aldaer Oberste te wesen ende Capiteyn op den Castele/men septe dat hy hem be-
vonden wert een Rolle oft Billet met alle de namen der geender die de Hertoghe
van Alba noch wilde doen dooden in verscheppen Steden/soo vanden Adel als
vande boornaemste Bozgeren/andere seggen dat hy t'selve Billet gaende naede
ghevanchenisse tusschen weghen secreteljc gescheurt ende de stucken heeft laten
vallen.

Doen nu de saecke in desen state was soo hebben de Magistraten by haer ont-
boden den boorsz Cupck/die welcke men meende te wesen Commissaris vanden
Prince van Orangien/om te beraetslagen wat hem te doen stont tot haerlupder
bescherminghe/dese riet datse terstont souden schikken hare Gedeputeerde aen-
den Grave vander Marck binnē den Bziele/ten eynde hy henlupden boort eer-
ste soude assisteren met eenich volck van Bozloghe/dien volghende is de boorsz
Commissaris Cupck op den elfden Aprilis met Bzieven van Credentie vande
Magistraet van Vlissingen naeden Bziele gerepst/ende comende tot Bozbrecht
heeft van daer in alder diligentie eenen seckeren Bode afgebeerdicht naer We-
sel/ende boorts naer Dillenberch aenden Prince van Orangien/omme hem
van allen desen te verwittighen. Inden Bziele ghecomen zijnde/heeft hy aen-
den Grave syn bzieven overghelebert/en te kennen gegeven den staet en geleg-
hept der Stede van Vlissingen/ende versocht dat hy in tijden ende stonden/soo't
den noot vereyschte de boorsz Stede met secker Garnisoenen soude willen assi-
stieren. Daer inne de Grave eerst swarichept maecte deur dien hy noch niet
veel volcx en hadde te ontberen/ende het nieu volck dat hem vast by quam was
niet wel ghewapent/maer verstaende dat die van Vlissingen henlupden wilden
Wapenen/was te bieden/wanneer sy-lupden souden begeren henlupden volck
te seyndē met welcke rescriptie de boorsz Commissaris/wederomme naer Vlis-
singen gherepst is. Cortelinge daer nae soo is Capiteyn Willem van Bloys
ghesept Tressong deur last ende met Commissie vanden Grave vander Marck
in date den xx. Aprilis met dyte Schepen met volcx naer Vlissingen ghetoghen/
sterck wesende in als stijf twee hondert Mannen heel ongewapent/zijnde meest
ghecleet met Cappen ende Casuyfelen der Geestelicheyt/wesende meest al Boz-
geren van Rotterdam/Delft/Haghe ende uptten Bziel/ghעהaelt zijnde by twee
Capiteynen vande Stadt van Vlissingen/d'ene ghenaeemt Vinck/ende d'ander
Vliech. Voor Vlissingen comende werden sy aldaer opter stroom met geweer
boorszien ende ghemonstert/ende alsoo boorts inder Stadt ghebracht: de boorsz
Tressong dede den ghebangen Pacieco met noch twee andere Spaensche Ede-
lupden die met Pacieco aldaer gebanghen waren aen een Galge hanghen. Pa-
cieco conde hem seer qualicken ter doot begeben ende boot veel ghelts tot Gan-
soen omme t'leven te moghen houden/dan het was al te vergeefs/soo waren sy
op

op hem verbittert/ooch de hoozsz Tressong gedachtich zijnde hoe dat de Hertoghe van Alba synen Broeder Johan van Tressong hadde doen dooden in Junio 1568. wilde hem hier over nu wrecken / achtende dat hy den Hertoghe van Alba niet veel meerder spijs en mochte aendoē/dan dat hy synen oppersten Ingenieur ende Bouweester ter doot bracht: sommighe seiden dat dese Pacieco den Hertogen van Alba Hupsvrouwen susters zoone was/andere seide/dat hy naer-Bebe was vanden Hertoge / somma pder seide t'zijn / hy riep seer deerlick als men hem hanghen wilde/ dat hy een Edelman was / dat men hem t'sweert soude geven/ een van der Stadt genaemt Glaude hebbende des hoozsz Pacieco Gappier op't lqf/ende hoozende dat hy soo om t'swaert riep / meende dat hy om zyn Gappier riep/seide Signor clint vyz op ick sal't Gappier wel bewaren/naer dat syn Cleederen naer syn doot uptgetoghen waren/ontviel hem een Gouden Ketting/de welcke Tressong dede roopen / van Robbrecht de Cock van Merwynen Provoost aldaer. Dese dinghen gheschiet zijnde ende wel wetende dat de Hertoge van Alba niet rusten en soude/maer alle syn kracht aenwenden om die ontfanghen injurien niet alder rigoreu'heyt te wrecken/hebben alle ozde ghestelt die sy mochten te resisteren / ende hebben ooch terstont soo wel den Prince van Orangien in Duplant als Grave Lodewijck van Nassau in Vranckrijck van als veradberteert ende hulpe ende assistentie versocht / ende haer selven soo vele ghesterckt als sy mochten. Daer-en-tusschen is Jonckheer Jeronimus van t'Seraets Edelman en Stal-mepster vanden Prince van Orangien upt Vranckrijck binnen Vlissingen gheromen met Commissie van Grave Lodewijck van Nassau/omme over geheel Walcheren te moghen Gouverneren/hy bracht met hem een goet ghetal Franchopse ende Walsche Soldaten / ooch warender upt Enghelandt gheromen eenighe Engelsche Soldaten / sulcx dat die van Vlissingen heel moedich gheworden zyn / ende en dachten niet meer onme den Crigh te wederstaen/maer namen ooch vooz hen omme selve Oozloge aen te doen hare ghebupzen indien sy haer niet mede en begaven tot wederstandt vanden Hertoghe van Alba.

Cozts hier nae hebben die van Enckhuyzen ooch ghewepghert Dur d'Alffs Soldaten in te nemen. Daer na werdt de Stadt Medenblick van Joncher Diederick Senop (als Luptenant vanden Prince van Orangien) ingenomen/ van ghelijcken Hoozn/Alckmaer/Edam ende Durmurent.

Die vorder en bzeeder van desen Handelinghe begeert te weten die lese de Histozien van Pieter Boz ende Emanuel van Meteren,



